





3

ET PREMIEREMENT LA LV-  
ne ha xxx.iours.

Au premier iour de la Lune Adá fut cree. Si a ce iour quelqu'un tombe malade, la maladie sera longue, toutteffoys le patient guerira. Les songes que la psonne fera la nuit, se tournerôt en ioye. L'enfant qui naistra cedit iour, sera de l'ogre vie.

Au secōd iour Eve fut creëe. Ce iour faict bon entreprendre voyages tant par mer que par terre. Et sera le voyageur heureux en tous logis & hostelz ou il seiournera. Ledit iour est bon pour croistre lignee. Aussi est bon & heureux pour ce luy qui fera quelques demandes a princes ou aul tres grandz seigneurs. Parcillement il fera bon bastir & edifier. Mesmement faire iardins, vergiers, parcz, labourer terres & semer. Vn larcin faict cedit iour, ne se pourra longuement celer; mais sera tantost trouue. Si aucun demeure malade, sera de brief guery, S'il s'ogre de nuit, il n'y fault auoir esgard: car il sera de nul effect. L'enfant ne en ce iour, croistra a veue d'oeil.

Au tiers iour nasquit Cayn. En ce iour lon ne doit entreprendre aucune besongne, ny plâter, sinon ce que lon voit de perdre. Celuy qui tombera malade, le sera bien griefuement iusques

pres de la fin:mais petit a petit par bõ regîme reuendra en sâte. Le sõge faiçt cedit iour ou nuiçt, sera de nul effect:ausi l'efât ne sera de lõgue vie.

Au. 4.iour Abel fut ne. Ce iour est bon a com-mécer vn oeuvre, faire moulis, & aller sur l'eau. Vn homme fugitif ou beste perdue ou esgaree sera bien tost trouuee: la personne qui tumbera malade au liçt, a grand peine en releuera il. Si le songe est bon, il sortira effect: si au contraire le songe est mauuais, il n'aduiendra point. L'enfant ne cedit iour sera, trahistre,

Au. 5.iour nasquit Lamech. Si en ce iour quel que personne ayât faiçt quelque infortune est en fuitte, il perd son temps de fuyr: car il sera incontînêt puni vif ou mort. Le larcin faiçt cedit iour ne se trouuera point. Celuy qui cherra malade, iamais n'en releuera. Les songes qui se feront, seront suspës. L'enfât qui sera ne, moura bien tost,

Au. 6.iour nasquit Ebrõ. En ce iour faiçt bõ enuoyer enfans a l'escholle, & bõ aller a la chasse. Le larcin cõmis ce mesme iour, sera de brief trouue. Aussi les maladies qui y seront prinçes, seront tost gueries. Les songes que lon fera, ne les fault reueler. Et l'enfant qui naîtra, sera de lõgue vie.

## DES SONGES.

5

Au. 7. iour fut tue Abel par Cayn. En ceste iournee il fait bõ seigner pourueu que la Lune soyt è signe idoine. Quelque part qu'un malfaieteur ou larron fuye, & mesmes le larcin commis sera tost trouue. Le malade sera tost guerri. Les songes seront certains & vrainz. Il fera bon achepter pour ceaux, & faire nourriture de toutes bestes, L'enfant ne ce iour, sera de longue vie.

Le. 8. iour fut ne Mathusalem. Il faict bon faire voyages. De la maladie prinse ceste iournee, le patient languira longuement Les songes seront vrainz. L'enfant qui naistra en ce iour, sera de bonne physionomie.

Au. 9. iour nasquit Nabugodonosor. Ce iour est indifferant. le songe faict de nuit aduiendra incōtinēt: la personne qui tūbera malade s'il ne meurt dedans huit iours, il reschappera, nō pourtāt il lāguira: l'ēfāt ne en ceste iournee, sera de lōgue vie. Le 10. iour nasquit Noe. Toutes bōnes choses faictes cedit iour prospererōt. Les songes seront de nul effect. Celuy qui tūbera en tribulatiō ou aduersite, n'en debura auoir paour: car cela ne dure rapoint, Aussi qui deuēdra malade, mourra dedans dix iours, s'il n'est bien secouru. L'ēfāt ne ce iour, trauera plusieurs pais & regiōs loĩgtaies

## LA PHYSIONOMIE

Le. 11. iour fut ne Samuel. Il a fai& bõ chäger de maison. Le songe bõ & ioyeux sera veritable, & aduiendra dedans peu de iours. La personne qui tũbera malade au li&, y' sera longuement: toutef-foys il elchappera. L'enfant ne ceste iournee, sera de bon eſprit, habile a tout jartifice, & de longue vie.

Le. 12. iour est fort dāgereux. & parce il ne fault rien faire, car a cedit iour, nasquit Canaam. Ce-ſuy qui deuiendra malade, sera en gros danger de mourir dedans douze iours. Les songes ſõt vraz ſelon la ſignification diceulx. Pareillemēt l'enfant ne ce iout sera tout bigot.

Au 13. iour il fai& mauuais commencer quel-que œuure. La creature qui tumbera malade en ce iour, sera longuemēt en 'langueur. Les songes seront accomplis en 9. iours. L'enfant qui naistra ceste iournee, sera de longue vie.

Le. 14. iour Dieu beneit Noe de ſes œuures. Le malade dudit iour sera toſt guery. Les ſōges ſerōt en ſuſpens. L'enfant qui cedit iour naistra, sera parfait en toutes choſes.

Le. 15. sera indifferent: C'est a ſauoir qui ne ſe-  
ra ne bõ ne mauuais. Celuy qui deuiendra ma-  
lade, ne mourra point de la maladie quil aura.

Les songes serōt certains & accōplis dedans dix iours. L'enfant qui sera ne, sera subiect a Venus.

Le. 16. iour fut ne Iacob. A ceste cause il fait bō acheter & dompter cheuaulx, bœufz & aultre bestial. Le malade sera en grand danger de mort, s'il ne chāge de maison ou d'air. Ce que la personne songera, aura son effect. L'enfant ne ceste iour nee viura longuement.

Le. 17. iour Sodome & Gomorre perirēt. Il faict mauuais entreprendre & faire quelque chose. Les medecines ne proffiteront de rien au patient. Le songe sera vray dedans troys iours. L'enfant sera en toutes choses heureux.

Le. 18. iour naquit ysaac. Il faict bō ceste iournee vacquer & solliciter les affaires. La personne qui deviendra malade, sera en dāger de mort. Le songe sera certain. L'enfant ne ce iour, sera de grand travail, & acquerra grandz biens.

Le. 19. iour naquit Pharaō Roy. Ceste iournee est dangereuse: parquoy il sera bon euitier les cōpagnies & les yurōgnes. & se tenir coy sans rien faire. Le malade sera tost guery, Le songe que fera la personne, sera vray. L'enfant qui naistra ceste iournee, sera larron, malicieux & trompeur.

## LA PHYSIONOMIE.

Au. 20. iour fut ne le prophete Ionas, Ce iour est bõ afaire toutes choses. La maladie sera lõgue. Le sõge sera vray & apparët. L'ëfât q cedit, iour naistra, sera pareillement trõpeur & malicieux.

Le. 21. iour fut ne le Roy Saul, Ce iour est bon soy resioyr en beaulx & hõnestes habillemẽ. Il faiët fort bõ achepter nourritures, Mesmes le larcin cõmis ce iour, sera trouue, Le malade sera en gros danger de la maladie prinse ceste iournee. Le sõge sera vain & inutile. L'ëfât, sera de grãd trauail.

Le. 22. iour nasquit Iob. Il ne faiët pas bõ negociier ne faire aulcũ change. Le malade sera en dãger de mort de la maladie qu'il prẽdra ce iour. Le songe sera vray. Et l'enfant sera bon & hõneste,

Ban Iamyn fut ne le. 23. iour, Tout ce que lon fera ce diët iour, tornera hõneur. La maladie sera longue & nõ mortelle. Quant au songe, il sera fault, L'enfant ne sera contrefaiët & laid.

Le. 24. iour fut ne Iaphet. Ce iour est indifferãt cõme ne bon ne mauuais. La maladie sera longue, mais le patient recepura guerison. Le songe sera sans nul effect. L'ëfant ne ceste iournee, sera doux & bening, & aymera a faire grand chere. Le. 25. iour entra mortalite en Egipte. Le mala-



desera en danger de mort le .vi. iour d'après le cō-  
mencement de la maladie, L'enfant sera fort sub-  
iect a plusieurs perilz, dangers & aduersites.

Le .26. iour Moÿse diuisa la mer. Ce mesme iour  
moururent saul & Ionathas. parquoy la iournee  
est fort dangereuse. Et ne faict pas bõ faire quel-  
que chose. Le malade qui cherra en maladie, ia-  
mays n'en releuera. Les songes seront certains.  
L'enfant ne ceste iournee sera aysé homme, c'est  
qu'il ne sera ne pource ny riche.

Le .27. iour il faict bõ besõgner en toutes affai-  
res. La maladie sera muable, Les sõges serõt sus-  
pẽs L'ẽstat q naistra ce iour, sera doux & amiable

Le .28. iour toutes bonnes choses serõt bõnes  
a faire: le malade sera reconforte de sa maladie:  
L'ẽfant ne ce iour sera paresseux & negligent.

Le .29. iour Herodes feist tuer les Innocẽs. Ce  
iour est malheureux: parquoy il ne fault rien fai-  
re ne entreprendre. Les sõges serõt trescertains. Le  
malade guerira. L'enfant ne ce iour, viura paisi-  
blement avec les hommes.

Le .30. & dernier iour est bon a toutes choses  
faire, Le malade sera en grãd danger iusques au

## LA PHYSIONOMIE

mourir: mais s'il est bien-pêlé, il en guérira. Les sages se cōuertirōt en ioye dans le v. iour. L'enfant qui naistra ce iour, sera astut & fin & cauteleux

Fin des iours de la Lune.

¶ Ensuyt maintenāt les songes & la significatiō dice .lx. Parquoy quand vous songerez la nuit, regard z premieremēt aux iours de la Lune dessus specifies, pour scanoir s'ilz aurōt effect ou nō. S'ilz sont bons, trouuez, comme iay predict, leur significatiō, le tout par alphabeth. Vous asseurāt que dix mille desdictz songes cy cōtenuz tāt pour moy que pour autres psonnes ay trouuez veritables. Tout effois ny aurez elgard que biē apoint. Car Dieu est par dessus tout, & ne sont qu'aduertissemēt z. Dieu par nostre bon'ange, qui sont donnees aux personnes pour remedier z leurs affaires. Desquelles Dieu par sa saincte grace remedie a tous ceulx q deuotement le priēt & ensuyuent ses commandemens.

Premierement de la letre, A

Songer veoir arbres ou monter sur iceulx, signifie honneur aduenir.

Arbres veoir secz, signifie deception.

Arbres avec leurs fruietz, signifie gaing & pffit

Arbres veoir sâ fleur, sig. expeditiō des affaires

Arbres abbatre par terre, sig. dommage

Songer estre vn arbre, sig. maladie

- Argent veoir manger, signifie grand profit.  
 Arc porter avec loy, signifie de r ou tourment.  
 Aller a la messe, signifie honneur & ioye.  
 Adorer Dieu, sig. ioye.  
 Auoir vn baston en la main, sig. maladie.  
 Auoir la barbe rasee, sig. tribulation.  
 Auoir la barbe longue, sig. force ou gaing.  
 Auoir petite barbe, signifie proces ou noises.  
 Auoir les bras foibles, signifie tourment.  
 Auoir beaulx bras, sig. tristesse.  
 Auoir les bras secz, c'est tresmauuais signe.  
 Auoir deux testes, sig. compaignie.  
 Auoir la teste blanche, sig. gaing, ioye & profit.  
 Auoir la teste & longs cheueux, sig. honneur.  
 Auoir la teste tondue, sig. dommage.  
 Arracher les dens, si 2. mort de quelqu'un.  
 Auoir audience de l'Empereur, signifie gaing.  
 Auoir molestie de son aduersaire, signifie expedi-  
 tion de ses affaires.  
 Aller en lieux sacres, est bon signe.  
 Aller tost ou courir, sig. gaing.  
 Aller chasser, signifie quelque accusation.  
 Auoir vne robbe rouge, signifie sang ou seigner.  
 Auoir des verges, sig. ioyeuse.  
 Auoir robbe neufue, sig. honneur.  
 Auoir crucifie Iesuchrist, sig. maladie.  
 Songer, B.  
 Boire de l'eau chaude, sig. maladie.

## LA PHYSIONOMIE

Boire de l'eau puante, fig. grosse maladie.

Boire de l'eau clere, c'est bon signe.

Batailler contre serpens & couleuvres, signifie vaincre ses ennemis.

Brusler vne maison, ou la veoir brusler, signifie scandale a venir.

Baiser quelqu'un, fig. dommage.

Baiser vne personne morte, fig. longue vie.

Broyer ou piler du poivre, fig. melancholie.

Boire du vin trouble, fig. du bien.

Boire du vin bousque, fig. rien

Boire du vin blanc, fig. sante.

Boire du lait, c'est tres bon signe.

Boire du vinaigre, fig. maladie,

Avoir les dents sanguinolents, fig. la mort.

Songer, C.

Commettre adultere, fig. noyses & debatz aduenir

Commander quelqu'un, fig. ennuy.

Chausseure neufue, fig. consolation.

Chausseure vielle, fig. tristesse.

Cheoir par terre, fig. deshonneur ou scandale.

Cheoir en l'eau & ne se pouoir leuer, fig. mort ou danger de la personne.

Cheoir en vne fange, fig. trahison, ou tumber en fascherie par quelqu'un.

Chandelles veoir enflammees, fig. ire ou noyse.

Chandelles veoir non allumees, fig. loyer ou recompense de quelque chose,

## DES SONGES.

Corbeaux veoir voler, fig. plains de tristesse.

Charbons de feu veoir ardans, fig. vituperation  
d'amys.

Charbōs veoir mortz, signi. expedition de ses af

Croix veoir porter, fig. tristesse. (faïres.

Chresme veoir espandre sur soy, fig. recepuoir  
aucune grace du sainct esprit.

Cloches ouyr sonner, fig. diffamie.}

Cheminer avec bestes a quatre piedz, si. maladie

Coucher avec vne paillarda, signifie seurte de  
ses affaires.

Cheminer ayans les piedz malades, fig. ieusner.

Corbeau veoir voler sur soy, fig. peril.

Corbeau emporter d'une maison, fig. la mort ou  
destruction de son bien.

Cheoir de dessus vn pont, fig. empeschement.

Coupper les doigtz ou les veoir coupper, signi:  
dommage.

Cheuaux veoir blancs, fig. ioye.

Cheuaux veoir noirs, fig. tristesse.

Cheuaux veoir aller, fig. bon temps.

Cheuaux veoir rouges ou tannes, si prosperite.

Cheuaux veoir de diuerſes couleurs, fig. expedi-  
tion de ses affaires.

Cheuaucher vn blanc cheual, gris ou pommelle,

Cheual veoir chastre, fig. acculatiō. (si. bō tēps.

Cheual veoir monter en hault, fig. bon temps.

- Cueillir des fleurs, fig. gayete, ioye.  
 Coucher avec sa mere, fig. seurete de ses affaires.  
 Cheoir en vne fontaine troublee, fig. accusation.  
 Cheoir en clere fontaine, fig. honneur & gaing  
 Coupper du lard, fig. la mort de quelqu'un.  
 Coupper du pain d'orge, fig. ioyeufete  
 Curer vn puy, ou cheoir dedans, fig. iniure  
 Cueillir des pommes, fig. d'estre moleste  
 Cueillir des raisins blancz, fig. gaing  
 Cueillir des raisins noirs, fig. dommage  
 Cheminer deffus des espines, fin la destruction  
 de ses ennemys  
 Châter des hymnes ou pseaulmes, fig. empesche-  
 mēt en ses affaires,  
 Ceinture neufue, fig. hōneur.  
 Ceinture auoir rompue, fig. dommage  
 Ceindre d'une ceinture vielle, fig. labour  
 Court bien tost de penssee, fig. ioye  
 Cheueux oster de la teste, fig. perte de ses amys  
 Songer, D.  
 Donner vn anneau, fig. dommage  
 Descourir vn antel, fig. ioye  
 Dragons veoir, sign. gaing.  
 Don de Roy, ou prendre de luy ou de quelque  
 prince, fig. grand ioye.  
 Dompter les bestes saulvages, fig. dommage  
 Descendre par vne eschelle, fig. mesme chose  
 Descēdre d'une charette, signifie perdre grādz







Songer, M.

Manier de l'or ou en manger, s. courroux  
 Monter au ciel, s. grand honneur.  
 Manger chair humaine, s. labour & trauail  
 Manger chair rostie, s. tumber en peche  
 Manger de la charongne, s. tristesse  
 Manger du lard ou du sale, s. murmure  
 Manger du fourmaige, s. gaing & profit  
 Manger de la salade, s. mal ou maladie  
 Manger plusieurs viandes, s. dommage.  
 Manger des deniers, s. ire & courroux  
 Manger du pain blanc, s. gaing  
 Manger des pommes, s. ire  
 Manger des pusses, s. molestie & ennuy  
 Manger des racines, s. discord  
 Manger choses salees, s. maladie  
 Monter sur vne eschelle, s. honneur  
 Monter a vne petite nef, s. maladie  
 Monter hault sur vne montaigne, s. honneur  
 Manger des febues, s. maladie

Songer, N.

Nauiger ou veoir des nefz sur mer, c'est bõ signe  
 Nauires plaines de Liens, s. bon temps  
 Nauires veoir en peril par tempestes, s. peril

Songer, O.

Ouyr sonner des campanes, s. diffamie & contrariete  
 Ouyr abayer des chiens, & en estre fasche, s. vain

cre ses ennemys.

Ouyr vn corbeau crier, s. tristesse.

Oster vn calice, s. maladie

Oster vne femme, s. mutation de lieu.

Ouyr chanter vn coq, s. bon temps.

Ouyr sonner des orgues, s. ioye.

Ouyr chanter des poulles ou les prendre, sign. ioyeuſete.

Oster des bestes, s. gaing.

Ouir tremblement, s. deception aduenir au songeur, au lieu la ou il anra songe

Ouyr la femme tancer, s. grand tourment

Ouyr crier vn asne, s. dommage

Ouir des oyſeaux parler, c'est bon signe

Songer, P.

Prendre mouches a miel, s. gaing & profit

Paistre aigneau ou le tner, s. toutment

Paistre des beufz, c'est bon signe

Porter couronne, s. ioyeuſete (neur.

Porter courōne d'or en sa main, s. dignite & hō-

Porter couronne d'or sur la teste, s. querelle ou noise.

Porter ou auoir vne courōne de diuerſes couleurs, s. la qualite du temps

Parler au Roy, s. honneur en son absence

Perdre ſes habillemens, s. dommage,

Perdre ſes clefz, s. courroux

Parler avec ſon filz, s. dommage

- Parler avec ses freres, s. fascherie  
Parler avec Iesus Christ, s. consolation  
Parler avec la vierge Marie, s. ioye  
Parler avec grandz seigneurs, ou avec eulx étrer  
en quelque lieu, s. honneur  
Parler avec des philosophes, s. gaing & proffit  
Parler avec son ennemy, s. quil se fault garder  
de luy.  
Porter vn faulcō sur sa main, & cheminer a tout  
s. honneur  
Perdre des derniers dēs maxillaires, s. la mort de  
son prochain parent.  
Prêdre ou dōner medecine, s. viure en pouurete  
Perdre les yeulx, s. la mort de quelque grād amy.  
Prier Dieu & faire oraison, s. beatitude.  
Porter du pain chauld, s. accusation.  
Prendre le nez, s. fornication  
Perdre le membre viril, s. perdre generation.  
Prendre du poisson de mer, c'est mauuais signe  
Perdre du sang, s. douleir du fondement  
Porter vne ieune filette, s. ioyeufete  
Presser des raisins avec les piedz, s. vaincre ses  
ennemys,  
Passer sur vn pont rompu, s. c. rainte.  
Passer par dessus vn fosse sur vne petite planche  
s. tromperie par gens de iustice.  
Prendre vn esperuier, s. gaing  
Prendre vne fille par force, s. empoisonnement.

# LA PHYSIONOMIE.

Q n'a rien.

Songer, R.

Riuere veoir trouble, s. sollicitude.

Riuere entrer en sa maison, sign. habondance de biens.

Riuere veoir sortir hors sa maison, s. danger de la vie, ou dommage par iniures.

Riuere clere veoir courir, s. seutete.

Rompre vne bteche, s. labour.

Roses rouges veoir, s. ioyeuſete.

Roy ou Royne, s. ce meſme.

Roy veoir mouuoir, s. grand dommage.

Rompre vn homme, s. triſteſſe.

Rongner ſes ongles, s. noyſe & angoiſſe.

Ruyner quelque place, s. deception.

Regarder ſes mains, s. maladie.

Songer, S.

Se veoir labourer, s. grand labour.

Se veoir beniſtre, s. ioyeuſete.

Se veoir eſtre bleſſe de fer, s. dommage.

Se veoir combattre contre le Diables, s. gain.

Se iouer avec vn chien, c'eſt bon ſigne.

Se marier avec ſes ſeurs, c'eſt peril.

Sentir chaleur, s. douleur.

Se veoir eſtre femme, s. maladie.

Se veoir eſtre poule, s. ſollicitude.

Se veoir aſſis ou couche en legliſe, s. changemēt de veſtement.

Se lauer en clere fontaine, s. ioye.

Se lauer en fontaine puante, s. honte & faulſe ac-  
cuſation.

Se veoir eſtre mue en arbre, c'eſt bon temps

Sentir bruſſure, s. peril.

Se pourmener en un iardin, s. ioyenſete

Se veoir lauer en la mer, s. tout vn.

Se veoir malade, s. triſteſſe ou empriſonnement.

Se veoir painct en vn tableau, s. longue vie.

Se veoir pourmener en vne foreſt, c'eſt labour

Se veoir en vng baing, s. angoiſſe

Se veoir bouſter en vn feu, s. maladie ou auoir  
grande chaleur.

Songer, T.

Tirer de l'arc, s. honneur

Tuer vn homme, s. ſeurete de ſon cas

Trouuer nyd doyleau, c'eſt bon ſigne

Traiſter grandes choſes, s. empelchement.

Tuer ſon pere, c'eſt mauuaife choſe.

Tonnoirres ouyr & veoir, s. iniurieſes parolles  
en derriere de la perſonne.

Tumber en vn puis ou fofſe, s. perte de cauſe ou  
de proces.

Songer, V.

Veoir vn aſne, s. malice.

Veoir vn aſne aſſis ſur ſon cul, s. labour.

Veoir voler vn aigle ſur ſoy, s. honneur

Veoir des oyſeaux ſ'entrebatre, s. aduerſite

## L A P H Y S I O N O M I E

**V**eoit oyseaulx voler sur foy, s. nuifâce de ses en-  
nemys.

**V**eoit c'es oyseaux noirs, s. tribulation.

**V**eoit plusieurs mouches, s. que lon parle contre  
foy.

**V**eoit vn aigneau ou cheureau, s. grãde cõsolat-  
tion

**V**eoit l'ar cler, s. gaing.

**V**eoit du feu arãtant, s. deluge ou mutatiõ de lieu  
en autre.

**V**eoit l'ar trouble, s. expedition de ses affaires

**V**eoit commander, s. ire.

**V**eoit des beufz gras, s. bonne annee

**V**eoit beufz meigres, s. cherte de biens.

**V**eoit beufz labouret aux champs, s. gaing.

**V**eoit des beufs noirs, s. peril.

**V**eoit des beufz aller a leue, c'est mauuais signe

**V**eoit arracher la barbe, s. grand peril.

**V**eoit vn bourdõ ou foliueau de boys, s. deceptiõ

**V**eoit des chanteresses, s. pleurs

**V**eoit cheoir vne colũne d'une maison, s. la mort  
de quelque grand personnage

**V**eoit brusser la feste de sa maisõ, s. la mort de sõ  
seigneur, ou de sa fẽme, ou de la fẽme de sõ amy

**V**eoit tapisseries ou painctures, s. trahison, dece-  
ption & tromperie

**V**eoit vn grant, ou vn grãd corps, c'est bõ signe

**V**eoit le corps de nostre seigneur, s. honneur

**V**eoit chientes ou loups, s. estre desrobe

- Veoir couper vne teste, s. maladie  
 Veoir la viande qu'on a mengee, s. dommage  
 Veoir vne belle face aultre que la siene, s. honneur  
 Veoir vne noire face, s. longue vie.  
 Veoir naistre vne fontaine en sa maison, s. honneur & profit.  
 Veoir des frois, s. noyses.  
 Veoir fontaine, ou cuyder estre enchante, sign. tristesse.  
 Veoir naistre des enfans, s. dommage.  
 Veoir four ardant, s. mutation de lieu.  
 Veoir ses freres & ses seurs morts, s. longue vie  
 Veoir vne femme nue, s. la mort de quelqu'un  
 Veoir sa mere en sa vie, s. ioyeuseté  
 Veoir sa mere morte, s. malheur  
 Veoir ses parens ou amys morts, s. ioye  
 Veoir des mammelles plaines de lait, s. profit  
 Veoir vne paillarde pondre, s. gaing  
 Veoir vne poule avec ses polletz, s. dommage  
 Veoir vng liēt bien pare, s. ioye  
 Veoir les oeufz en couleurs, s. dommage  
 Veoir oeufz casses, c'est bon signe.  
 Veoir oeufz blancz c'est bon signe  
 Veoir la pluye venir, s. abondance de biens  
 Veoir ploison visz, c'est mauuais signe  
 Veoir rethz a prendre poisson, s. pluye  
 Veoir le Soleil cler, s. fermete des seigneurs, qui accompliront leur entreprinse

## 24 PHYSIONOMIE DES SONGES

Veoir le Soleil tenebreux, fig. peril ausdictz seigneurs

Veoir les estoilles du ciel, s. dommage a l'Empereur, ou a son Roy, ou son seigneur

Veoir cheoir le soleil avec la Lune, c'est mauuais signe

Veoir ses souliers rompuz, s. dommage.

Veoir blusler ses habitz, c'est mauuais signe.

Veoir des tenebres, s. pechie

Veoir plusieurs oyseaux, s. proces

Veoir estre vestu de noir, s. ioye.

Veoir des penduz en vn gibet, s. dommages & grandes aduerfites

Veoir des vielles, c'est mauuais signe

Veoir plusieurs serpens, s. deception de femmes.

¶ Cy finit l'exposition des songes, fort proffitable a vn chascun : lesquelz (comme i'ay dit) sont approuues & veritables, ainsi que vous Messieurs, en lisant ce petit aduertissement en pourrez donner vray tesmoignage, si vous y voulez prester l'oreille.

*Les nobles Seigneurs, Messieurs  
Les Seigneurs*